



Broj: 02-14-225-3/2019

Travnik, 02.09.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama BiH („Službeni glasnik BiH“, broj 39/14), na Preporuku Komisije za javnu nabavku broj: 02-14-07-92/19-16 od 21.08.2019. godine, u postupku javne nabavke: *usluge geodetskog premjera rudarskih radova koji se izvode na osnovu ugovora o koncesijama za istraživanje i eksploataciju mineralnih sirovina*, ministar Ministarstva privrede Srednjobosanskog kantona d o n o s i:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 02-14-07-92/19-16 od 21.08.2019. godine i Ugovor za javnu nabavku, usluge geodetskog premjera rudarskih radova koji se izvode na osnovu ugovora o koncesijama za istraživanje i eksploataciju mineralnih sirovina, dodjeljuje se ponuđaču „ZEDIS“ d.o.o. Zenica, za ponuđenu cijenu **15.084,93 KM sa popustom i sa PDV-om (12.893,10 KM sa popustom i bez PDV-a)**, kao najbolje ocjenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „ZEDIS“ d.o.o. Zenica, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 3.

U skladu sa članom 45. stav (2) i 47. Zakona o javnim nabavkama BiH izabrani ponuđač je dužan u roku od **pet dana** od dana zaprimanja obavještenja o rezultatima ovog postupka javne nabavke **dostaviti originalne ili ovjerene kopije** dokumentacije iz člana 45. stav (2) i 47. Zakona o javnim nabavkama BiH koja je zahtijevana Tenderskom dokumentacijom.

Ove obaveze se oslobađa ponuđač ukoliko je navedenu dokumentaciju dostavio u svojoj ponudi.

Član 4.

Za izvršenje ove Odluke zadužuje se i ovlašćuje Sektor za energiju i rudarstvo.

Član 5.

Ova odluka objavit će se na web stranici Ugovornog organa istovremeno s upućivanjem obavještenja svim ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

Član 6.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-14-225/2019 od 23.05.2019. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 15.000,00 KM.

Obavještenje o nabavci broj: 457-7-2-34/19 objavljeno je na Portalu javnih nabavki dana 12.07.2019. godine, zajedno sa tenderskom dokumentacijom. Komisija za javnu nabavku imenovana je Rješenjem broj: 01-34-404/2019 od 20.05.2019. godine.

Komisija za javnu nabavku dostavila je dana 23.08.2019. godine Zapisnik o pregledu i ocjeni ponuda broj: 01-14-07-92/19-16 od 21.08.2019. godine i kao sastavni dio istog preporuku za izbor najpovoljnijeg ponuđača u predmetnom postupku javne nabavke.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće:

- da su ukupno pristigle 3 (tri) ponude,
- da su blagovremeno zaprimljene 3 (tri) ponude,
- da nije bilo neblagovremeno zaprimljenih ponuda.

Blagovremeno zaprimljene ponude				
R.br.	Naziv/ime ponuđača	Datum i vrijeme prijema	Ukupna cijena sa popustom (bez PDV-a)	Ukupna cijena sa popustom (sa PDV-om)
1.	Geo Map d.o.o. Prijedor	22.07.2019.	7.864,00 KM	9.200,88 KM
2.	GEODATA d.o.o. Jajce	23.07.2019.	14.898,60 KM	17.431,36 KM
3.	ZEDIS d.o.o. Zenica	23.07.2019.	12.893,10 KM	15.084,93 KM

Neblagovremeno pristigle ponude		
R.br.	Naziv/ime ponuđača	Datum i vrijeme prijema
1.	-	-

Nakon pregleda, individualne evaluacije, detaljne analize, komisija je na svojoj zatvorenoj sjednici dana 21.08.2018. godine sačinila Zapisnik o pregledu i ocjeni ponuda u kojem je konstatovano sljedeće:

Ponude sljedećih ponuđača se odbijaju/odbacuju:

- a) Geo Map d.o.o. Prijedor;**
- b) GEODATA d.o.o. Jajce.**

a) Članom 18. Upustva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) utvrđeno je da Zapisnik o pregledu i ocjeni ponuda mora sadržavati između ostalog i: „m) podatke o ispravkama, ukoliko su iste uočene u ponudi, i koje su uočene na način da su vidljive (ispravljeni podaci moraju biti vidljivi), potvrđeni potpisom ponuđača i sa datumom izvršene ispravke.“

Uvidom u ponudu ponuđača GEO MAP d.o.o. Prijedor, broj: od godine, ugovorno tijelo je utvrdilo sljedeće:

- na str. 34. ponude izvršena je ispravka broja stranice, na način da je prekriven ranije upisani broj „18“ i pored njega upisan broj „34“ – bez datuma i potpisa ponuđača;
- na str. 36. ponude izvršena je ispravka broja stranice, na način da je preko nekog ranije upisanog broja upisan broj „36“ – bez datuma i potpisa ponuđača;

- na str. 39. ponude izvršena je ispravka broja stranice, na način da je preko nekog ranije upisanog broja upisan broj „39“ – bez datuma i potpisa ponuđača;
- na str. 40. ponude izvršena je ispravka broja stranice, na način da je preko nekog ranije upisanog broja upisan broj „40“ – bez datuma i potpisa ponuđača;
- na str. 42. ponude izvršena je ispravka broja stranice, na način da je prekršten ranije upisani broj „27“ i pored njega upisan broj „42“ – bez datuma i potpisa ponuđača;
- na str. 48. ponude izvršena je ispravka broja stranice, na način da je preko nekog ranije upisanog broja upisan broj „48“ – bez datuma i potpisa ponuđača;
- na str. 49. ponude izvršena je ispravka broja stranice, na način da je prekršten neki ranije upisani broj i pored njega upisan broj „49“ – bez datuma i potpisa ponuđača;
- na str. 55. ponude izvršena je ispravka broja stranice, na način da je preko nekog ranije upisanog broja upisan broj „55“ – bez datuma i potpisa ponuđača;
- na str. 56. ponude izvršena je ispravka broja stranice, na način da je prekršten neki ranije upisani i prepravljani broj i pored njega upisan broj „56“ – bez datuma i potpisa ponuđača;
- na str. 57. ponude izvršena je ispravka broja stranice, na način da je prekršten neki ranije upisani broj i pored njega upisan broj „57“ – bez datuma i potpisa ponuđača;
- na str. 58. ponude izvršena je ispravka broja stranice, na način da je prekršten neki ranije upisani broj i pored njega upisan broj „58“ – bez datuma i potpisa ponuđača;

Navedeni ponuđač očigledno je vršio ispravke na nabrojanim stranicama svoje ponude, na način kako je gore opisan, a iste ispravke nisu propisno ovjerene, tj. isto predstavlja suprotnost onome što je propisano članom 18. tačka m) Upustva za pripremu modela tenderske dokumentacije i ponuda, čime je narušen integritet ponude.

Tačkom 15.1. tenderske dokumentacije – ekonomska i finansijska sposobnost, ugovorni organ je propisao da ponuđač između ostalog mora ispuniti sljedeći uslov: „*da njegov žiro račun žiro nije bio blokiran u periodu od prethodnih šest mjeseci, računajući od datuma objave obavještenja za predmetnu nabavu*“, a tačkom 15.2., kao dokaz za ocjenu navedenog uslova, propisano je da ponuđač mora dostaviti:

a) Izvještaj o računima pravne osobe, koji izdaje Centralna banka BiH ili od Centralne banke BiH ovlaštena banka da vrši distribuciju podataka pravnih osoba iz jedinstvenog registra transakcijskih računa. Navedeni Izvještaj ne smije biti stariji od datuma objave obavještenja za predmetnu nabavu.

b) Za svaki od računa koji bude naveden u izvještaju ponuditelj je dužan dostaviti potvrdu poslovne banke gdje je račun otvoren, kojom će dokazati da račun u zadnjih 6 (šest) mjeseci, prije objave obavještenja za predmetnu nabavu, nije bio blokiran. Navedene potvrde ne mogu biti starije od datuma objave obavještenja za predmetnu nabavu. Strani kandidati dužni su dostaviti ekvivalentne dokumente prema propisima zemlje u kojoj su registrirani.

Uvidom u ponudu ponuđača GEO MAP d.o.o. Prijedor, Ugovorni organ je utvrdio da ponuđač nije dostavio potvrdu o solventnosti svih aktivnih računa, navedenih u Izvještaju o računima poslovnog subjekta koji je izdala Centralna banka BiH, jer nije dostavio potvrdu o tome da mu račun broj: 5620078067922287, otvoren kod NLB Banka ad Banja luka, a naveden pod rednim brojem 3. u Izvještaju Centralne banke – nije blokiran u posljednjih 6 (šest) mjeseci. Obzirom da navedeni ponuđač nije dostavio Potvrde za sve navedene račune u Izvještaju Centralne banke, isti nije ispunio uslove propisane tenderskom dokumentacijom.

Tačkom 16.1. tenderske dokumentacije propisani su kvalifikacioni uslovi za tehničku i profesionalnu sposobnost, u okviru kojih je **pod tačkom b) propisano** sljedeće: *uspješno iskustvo u realizaciji*

najmanje jednog ugovora čiji je karakter i kompleksnost isti ili sličan onom koji se odnosi na predloženi ugovor, u periodu od posljednje tri godine ili od datuma registracije, odnosno početka poslovanja, ako je ponuditelj registriran, odnosno počeo poslovati prije manje od tri godine. Ukupna vrijednost realiziranih ugovora mora biti minimalno 15.000,00 KM.

Tačkom 16.3. stav d) tenderske dokumentacije propisano je: *uz popis izvršenih ugovora ponuditelj je dužen dostaviti najmanje jednu potvrdu o urednom izvršenju ugovora, potpisanu i ovjerenu od strane druge ugovorne strane. Navedena potvrda mora biti original ili od nadležnog tijela ovjerena kopija originala. Ukupna vrijednost realiziranih ugovora navedenih u spisku mora biti minimalno 15.000,00 KM, s tim da minimalno jedna potvrda o uspješnoj realizaciji ugovora mora biti minimalne vrijednosti 10.000,00 KM.*

Tačkom 16.3. tenderske dokumentacije propisano je: *Potvrda o uspješnom izvršenju ugovora iz točke 16.3.d) koju izdaje druga ugovorna strana obvezno sadrži : naziv i sjedište ugovornih strana ili gospodarskih subjekata, predmet ugovora, vrijednost ugovora, **vrijeme i mjesto izvršenja ugovora** i navod o uredno izvršenim ugovornim obvezama.*

Uvidom u ponudu ponuđača GEO MAP d.o.o. Prijedor Ugovorni organ je utvrdio da je ponuđač u svojoj ponudi dostavio Potvrdu o izvršenim radovima, izdatu od strane Rudnici željezne rude „Ljubija“ a.d Prijedor, broj: A-394-09/17 od 19.09.2017. godine, **koja ne sadrži podatke - vrijeme i mjesto izvršenja ugovora.**

Imajući u vidu uslove iz tenderske dokumentacije koji se odnose na tehničku i profesionalnu sposobnost (tačka 16.3.d) tenderske dokumentacije), a na osnovu utvrđenog u smislu dokaza koje je dostavio ovaj ponuđač u svojoj ponudi, jasno je da Potvrda o izvršenim radovima, izdata od strane Rudnici željezne rude „Ljubija“ a.d Prijedor, broj: A-394-09/17 od 19.09.2017. godine ne može uzeti kao validan dokaz. **Ova potvrda ne sadrži sve elemente koji su propisani članom 48. stav (3) tačka c) ZJN i tačkom 16.3.d. tenderske dokumentacije,** i kao takva se ne može uzeti kao validan dokaz, zbog čega ponuđač, diskvalifikacijom ove potvrde, u ponudi nisu dostavljene druge potvrde, ne ispunjava uslove tehničke i profesionalne sposobnosti jer nije dokazao da je uredno izvršio ugovore, u posljednje tri godine, ili od datuma registracije, odnosno početka poslovanja, ako je ponuditelj registriran, odnosno počeo poslovati prije manje od tri godine, u minimalnoj vrijednosti ugovora od 15.000,00 KM.

Shodno gore navedenom, u skladu sa članom 68. stav (4) tačka i) Zakona o javnim nabavkama, **ponuda ponuđača GEO MAP d.o.o. Prijedor se odbacuje** jer ponuda nije potpuna i ne ispunjava zahtjeve iz tenderske dokumentacije.

b) Na osnovu člana 8. stav 7) Upustva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) propisano je da listovi ponude moraju biti numerisani na način da je obezbjeđen kontinuitet numerisanja. Ponuda ponuđača „GEODATA“ d.o.o. Jajce je numerisana na način da nakon stranice 13 slijedi stranica 13A pa stranica 14. Ugovorni organ smatra da na ovaj način nije obezbjeđen kontinuitet numerisanja što je u suprotnosti sa Upustvom za pripremu modela tenderske dokumentacije i tenderskom dokumentacijom.

Shodno gore navedenom, u skladu sa članom 68. stav (4) tačka i) Zakona o javnim nabavkama, **ponuda ponuđača „GEODATA“ d.o.o. Jajce se odbacuje** jer ponuda nije potpuna i ne ispunjava zahtjeve iz tenderske dokumentacije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ministar Ministarstva privrede nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene kako slijedi:

RANG LISTA PRIHVATLJIVIH PONUDA			
Kriterij za dodjelu ugovora: najniža cijena			
R.br.	Naziv / ime ponuđača:	Ukupna cijena sa popustom (bez PDV-a)	Ukupna cijena sa popustom (sa PDV-om)
1.	ZEDIS d.o.o. Zenica	12.893,10 KM	15.084,93 KM

Shodno navedenom, prihvaćen je prijedlog Komisije i odlučeno je da se predmetni ugovor dodijeli ponuđaču **ZEDIS d.o.o. Zenica**.

Iz navedenih razloga, primjenom člana 64. stav (1) tačka b) Zakona o javnim nabavama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 5 (pet) dana od dana dostavljanja ove odluke. Žalba se podnosi putem Ureda za javne nabave za potrebe korisnika Budžeta Srednjobosanskog kantona. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

Dostavljeno:

- Ponuđačima
- Ured za javne nabavke SBK
- Web stranica Vlade SBK
- a/a



MINISTAR

Nisvet Hrnjić